

Tales rationes, ó dilectissime et dulcissime^a David, vobis^b mihi scribendae sunt 798
— non rusticis quibuslibet — in quibus sapientiam tuam eruditam^c esse scio et quae Iul. 22.
tibi placere omnino agnosco, ut gaudeat mens tua in rationibus rerum, sicut mea
multum^d gaudet tibi saepius talia dirigere^e.

5 Benedictus dominus Deus in donis suis, qui tibi clarissimam divinae legis scien-
tiam et iocundissimam naturalium rerum concessit cognitionem. Cuius ineffabili pietati
nobis omnibus continue ex tota voluntatis intentione agenda sunt gratiae, quod talem
nobis perdonavit dominum et rectorem. Et assiduis precibus illius piissima potentia
postulanda est^f, quatenus longeva prosperitate et salute te nobis conservare dignetur,
10 desiderantissime David^g.

Nuper mihi venit libellus a Felice¹ infelice directus. Cuius propter curiositatem
cum paucas paginolas legendo percucurri, inveni peiores hereses vel magis blasphemias,
quam ante in eius scriptis legerem^h. Adserens Christum Iesum nec filium Dei esse
verum nec etiam verum Deum esse, sed nuncupativum²; non intendens, quid prae-
15 dicator egregiusⁱ de divinitate Christi ait: 'Quorum patres, ex quibus Christus, qui Rom. 9, 5.
est super omnia Deus benedictus in saecula'. Et spero plura ibi inveniri^k posse, quae
fidei catholicae adversari videantur³. Si nihil aliud inveniatur contra fidem catholicam,
hoc solum sufficit sibi ad perditionem sui. Vae mundo a scandalis. Ecce qui adoratur Matth. 18, 7.
ab angelis in caelis, negatur in terris ab hominibus verus esse Deus. Cf. Hebr. 1, 6.

20 Huius vero libri vel magis erroris responsio multa diligentia et pluribus ad-
iutoribus¹ est consideranda. Ego solus non sufficio ad responsionem. Praevideat vero
tua sancta pietas huic operi tam arduo et necessario adiutores idoneos; quatenus haec
impia heresis omnimodis extinguatur, antequam latius spargatur per orbem christiani
imperii, quod divina pietas tibi tuisque filiis commisit regendum atque gubernandum.
25 Surge, vir a Deo electe^m, surge fili Dei, surge miles Christi, et defende sponsam
domini Dei tui. Cogita de sponsa tua, si quis eam exhonore velit: quam patienter
tuus hoc sufferat inimicus. Considera quoque, quod iniuria filii tui in te perveniet;
quomodo non multo magis iniuria et obprobrium filii Dei salvatoris tui, protectoris
tui, largitorisⁿ omnium bonorum^o totis viribus vindicanda est tibi. Sta viriliter pro ea,
30 quam accepisti a Deo tuo regendam et conservandam; quatenus potentia saecularis
tibi proficiat in spiritalis gloriae divitias.

149.

Alcvinus Carolo regi respondet se cantum militarem, quem expetierit, facturum esse. De Martis stella in conspectum reversa. Gaudet, quod Felicis episcopi Urgellitani libellum refelli cupiat; sed Leonem III papam, Paulinum patriarcham Aquileiensem, Richbodonem Treverensem, Theodulfum Aurelianensem episcopos eius rei participes esse vult. De feminae cuiusdam quaestionibus. Petit, ne litteras suas reprehensoribus tradat. Sperat fore, ut rex citius e Saxonia revertatur. 798 Iul. 22.

^a) et dulcissime om. T. ^b) que vobis R. ^c) eruditatem R. ^d) que add. R. ^e) dirigetur R.
^f) postulanda T est del. ^g) Hic est finis epistolae in R. ^h) an legeram? J. ⁱ) egregius T.
40 ^k) invenire T. ¹) iutoribus in litura T. ^m) electo T. ⁿ) sequitur tu in T. ^o) tibi add. T.

1) episcopo Urgellitano, cf. Adv. Elipand. l. VI (Opp. I, 838): Felix infeliciose audacia. 2) Ad-
vers. Felic. l. I c. 1 (Opp. I, 789): Nec sibi sufficebat tantummodo Christum . . negare proprium esse
filium Dei, sed novo et inaudito sanctae Dei ecclesiae nuncupativum Deum nominare illum non timet.
3) Cf. infra ep. 202: in quo multa inveniuntur non catholico stilo exarata, sed contra veritatem apo-
45 stolicae fidei inaniter desudata.